



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Benedictus Redivivus Hoc est: Benedictinij Ordinis
Vetustißimi Amplißimique, Nostra, ac supera ætate
Jmmarcescibilis Vigor, ac Viror**

Bucelin, Gabriel

[Veldkirch], Anno Christi. M.DC.LXXIX.

Iesu Christi Annus. M.DC.LIII. Sancti Patris Benedicti. M.C.LXXIII.

urn:nbn:de:hbz:466:1-38498

tantæ Principis, & emeritæ Anulitæ, sedulo attendente.

Francisca
Renata
Duc. Lo-
thar.

Nec minore solertia, & creditarum sibi filiarum, & Regni utilitatibus ac felicitati consuluit Francisca Renata Lotharingæ & Guisæ Ducissa, Montis Martyrum Abbatissa, & Margarita Angelica de Berhune, Comitissæ Orvallenfis filia, S. Petri Remensis Antistita, quæ lectissimæ Virgines, quanto imbecilliores sexu, tanto gratia in oculis Numinis valentiores, summo procul dubio emolumento Regno Galliarum afflictiissimo suis precibus & interventu fuisse: E quibus posterior, cum DEO quasi contendens, dum hujus permissione, omnibus pene sustentationi necessarijs, per tantos patriæ fluctus orba-

Inviola in
tribulationibus.

ta fuisset, in demerendo tamen Numine tanto ferventior extitit, & quæcunque habere potuit, ad honorem prius Numinis, quam sororum & filiarum commoda convertit. Cum enim turbulentissimis Regni motibus, temporalium penè bonorum omnium, licentiâ militari & hostili jacturâ quotidie faceret, tanto magis in demerendum sibi omni arte Numen exarsit, & Coelites sibi Patronos adjunxit, atque Basilicam suam, & præstantissimas horum Reliquias, undique conquistas & comparatas ex-

In conqui-
sitione SS.
Reliquiarum occu-
patisima.

quisitissimè adornando, perque illos DEI Misericordiam invocando & quasi cogendo, nomen sibi æternum ac meritum, tam in coelis quam terris comparavit. Satis sibi superque dives & felix cum suis visa, si sacra coelitem ossa omnibus præferenda thesauris, illusterrimum suum Cænobium beassent, Ita non sine singulari Numinis & Coeli favore, magno ditata, thesauro est sanctarum Reliquiarum S. Timothei & Sociorum Martyrum in Diocesi olim Remensi, illustri agone consummatorum; Sacris dein ossibus non paucis S. Dionysij Areopagitæ & sacrorum Collegiarum, nec non S. Ursulæ & Sociarum, præcipuè autem Sancti Guntherij Tulli in Gallia sub Juliano Apostata passi, quæ omnia cum prisca Sanctorum Apostolorum Petri, Bartholomæi, Andreæ, Thomæ, & Philippi sacris exuvijs splendide curavit, & hac sacra divitiarum sorte, omnem suam paupertatem solata recreavit. Sed & præcipuè Ordinis Institutrici Tutelari & Matri, Matri Virgini, in tanta rerum

Hæc pau-
pertatem
suam sola-
tur.

omnium jactura statuam argenteam, quatuor pedum altitudine confici curavit, & lampades, calices, vasa alia omnia, dum ipsa egeret, Numini argentea & aurea undecunque conquiriti & obtulit; etiam jejuno cum suis ventre in laudes Creatoris in Choro effusissima: verè Angela, & per omnia Angelica: namque providentiâ, inquit author noster, & regimine Angelico, omnes sibi subditas mutue charitatis stabili & concordifædere junctas, Angelorumque concentus imitatas, in Angelos, Mater ipsa Angelica transformavit, &c. Ita citatus sæpe rerum Calvariæ Scriptor:

Omnes sibi
creditas
Angelicos
quasi red-
dit.

IESU CHRISTI ANNI S.M.DC.LIII.

Sancti Patris Benedicti. M.C.LXXIII.

Terum nova, novissimis hæc temporibus, cælo universo approbante & applaudente, in Ordine nostro, memorabili cum fructu instituitur Congregatio, ipsâ Christianissimâ Galliarum Reginâ, natâ Hispaniarum Principe, initium dante, ac dein nostris in ejusdè prolatione strenuè cooperante, Virginum nimirum Benedictinarum, dictarum De Venerabili Sacramento. Ex ordina hoc ipso anno sic habent: Anna Austria, præsentissima Gallia Regina (Verba sæpe laudati Scriptoris sunt) Hujus Institutii præcipua sicut Inventrix & parens. Ultimis enim & civilibus Parisiensium bellis, totam illam Urbem intestina cæde vastantibus, pulsa è solio, pulsa ex Urbe tandem cum filio suo Rege adhuc penè in cunabulis, furori cedens, & latere coacta, voto se abstrinxit; scilicet, Quod si DEO dante posset aliquando ad solium redire, in Urbem, & ad Regni Governaculum, in gratiarum actionem, Sacratissimo Eucharistie Sacramento Cultum, & adorationem perpetuam à Virginitibus Religiosis, diu nocturne reddi, imperaret. Hoc certe ita DEO placuit, huncque placavit, ut tertio, post votum emissum, die, Rex, Ipsiusque Mater, cum Regni proceribus convenirent, pacem cum illis inierint; Parisios tandem, in Aulam, & ad thronum siverint revocati. Tunc Regina Beneficij a DEO accepti, & Voti memor, ipsum adimplere curavit. Ad hunc finem destinavit primum Religiosas Virgines Ordinis Sancti BENEDICTI, quæ tunc ex Monasterio Immaculata VIRGINIS Conceptionis, Rambervillana Urbis in Lotharingia, Diocesis Tullensis, ob bellorum procellas Parisios confugerant: eisque per lit-

Congrega-
tione Sacra-
menti.

Institutrix
prima Re-
gina Gall.

ter as Regias mandavit. Quod ita factum est: Nam Annuntiationis Virginis die anno millesimo sexcentesimo quinquagesimo tertio, in earum Sacello Sacramentum expositum fuit & adoratum, &c. Ita saepe citatus Author. Sed de aucta mox Congregatione, imo admirabili prorsus fervore colendi Sacratissimi Sacramenti, toto Regno accensi, deinceps. Ad alia pergamus.

Iidem annus, quam felix & fortunatus amplissimo Galliarum Regno Veneratione Sacramenti Eucharistici, tanto cum fructu fidelium, gloria Benedictini Ordinis, propagata, tanto tristior extitit ereptione Syderis cujusdam longè illustrissimi, coelis, liliisque planè incomparabilis, Paradyso Regum Regis inserti, de quo obiter quidpiam pro exemplo & solatio, ex saepe nominato integerrimæ fidei scriptore inferimus.

Hæc autem fuit Anna Maria à Jesu Crucifixo dicta, alias Anna de Goulesne Baronissa de Favoijet, verè suæ ætatis miraculum, patientiâ reapse non minus, quam Sancti Job, & Magni Antonij oblupefcendâ, eoque magis, quia in Virgine tenerrima, ut innocentissima. Nec minore compassione & cum afflictis, atque vel maximè peccatoribus condolentia, de qua Amandus nos- ter, verè amandus, uti & rerum ejusmodi amantissimus: Cum aliquando, inquit, pro peccatorum Conversione supplex DEUM precaretur, infelix eorumdem status, ita menti ad vivum expressus hæsi, ut lachrymis sanguineis visa sit tota destuere à Priore (seu Priorissa) qua tunc eam in Cella convenit. Saepè infixi Crucifixi pedibus Virgineo ore, conspecta est cruorem multum haurire, qui ex ejus vulneribus copiosè scaturiebat; atque interdum, vivifico hocce potu recreata, vires subito & salutem, à longo tempore agrotans recuperabat. Verùm tot inter Cacodæmonum crudelitates, corporisque ægerrimi afflictiones, quod mirè magis, nihil ab observantiæ Regularis exercitijs, nihil à charitatis officijs, humilitatis & obedientiæ operibus impediatur, tantis ipsdemque tam crebris & vehementibus Spiritus Sancti inspirationibus, & sanctis quasi insultibus concitata, ut miraculo non minus simile esset, quomodo tam fragilis natura in tanta sanctorum motuum vehementia subsistere pos-

Miraculum Virgine.

set. Vixit post professionem de mandato Superiorum in utroque Calvariensi Urbis Parisiensis Monasterio annis pluribus, tanta Virtutum omnium fama, ut omnibus admirationi, venerationi & exemplo esset. Rariores tamen raptus, & extases, quam in Domo Professionis fuere; quippe quæ DEUM assidue exoraret, quatenus ab omnibus, quæ vulgaria non erant, vindicari indignam ancillam dignaretur. Soli, iidemque acerbissimi morbi ipsam superstitem testabantur, quorum ultimo confecta est. Is erat, ad quem omnes Medici obstupeferent, namque toto corpore, Jobi instar, gravi vlcere percussa, nullis remedijs levabatur; faucibus tanta ariditate astuantibus, ut nec salivam glutire, nisi agrè admodum posset. Verùm non minus spiritu coarctata, quam carne cruciata, ciebat iachrymas, & coniferationem ab omnibus, ejus in victam animi fortitudinem intrepidamque Jobi amulam patientiam & mirantibus & collaudantibus. Decessit denique felicissimè amoris & doloris nobilis victima, quarta Septembris die anni præsentis millesimi sexcentissimi quinquagesimi tertij, plurimis gloriosa miraculis, ipsa omni miraculo major, multaque abdita prædixit Propheta Virgo. Illud rarum omnino & mirabile, quod ipso die Professionis eidem accidit: Raptâ siquidem in spiritu, caelesti intererat Curia, inque præsentia Sanctissima Trinitatis, vota sua (Verba Amandi sunt) miro cordis & corporis tripudio promebat: emissisque ipsdem votis conspexit ex sacra Hostia radium splendidissimum reflecti, qui se in cordis effigiem signaturæ suæ superimpositam recepit. mansitque in præfata cordis effigie (res mira!) guttula sanguinis, qua etiam nunc in eadem visitur. Ita saepè citatus.

*Supremus hic idem annus fuit Reverendissimo & Amplissimo Domino Gaspari, celeberrimi Inferioris Germaniæ Cænobij Gemblacensis Abbati, Præsuli omnibus numeris absolutissimo, insigni & meritissimo, Monachicæ Disciplinæ promotori vivo Virtutum omnium exemplo & exemplari, qui sacris filijs suis nihil imponendum oneris censuit, nisi ipse simul suscepisset, & in se ipso exercens probasset, dignè Symbolo suo se habens in omnibus, quod ipse sibi elegerat: *Benedi, qui per se,* adno-*

Stupenda omnibus ejus patientia.

Tobi vedij, vi exemplar.

Rapta Spiritu caelesti intererat Curia.

Gaspar Abbas Gemblacensis.

Symbolum ejusdem.

adnotans juxta, quanti referret, Principes & Præfules, si bene præesse velent, omnibus rebus & negotijs ipsofmet adesse, nec alienæ curæ nimium fidere. Decessit 18. Novembris magno sui relicto desiderio.

IESU CHRISTI ANNUS. M. DC. LIV.
Sancti Patris Benedicti. M. C. LXXIV.

Perpetuus
Ven Sacra-
menti cul-
tus apud
nostras.

MAjore quàm ante annū solemnitate, perpetuum nunc Sanctissimi Sacramenti Cultum apud nostri Ordinis Virgines instituit Anna Maria Hispana Philippi III. filia, Quarti soror, Christianissima Galliarum Regina, Ludovici XIII. conjux lectissima, mater ejus qui hodie Regno Nobilissimo & amplissimo imperat, Ludovici XIV. interfuit; Ipsa celebri omnino pompa Festo Magni Ecclesiæ Doctoris Gregorij, quod in feriam V. sacram aliàs Venerabili Sacramento incidit: Officio coram ipsa solemnissimo decantato, & novi Instituti Regulis & causis, per R. P. Domnum Placidū Rousselium pro palatis. Duæ autem potissimum Institutionis istius Cultus causæ assignantur; quarum prima est, ut singularis Cultus exhibeatur Christo, qui semetipsum in hoc sacro Mysterio exinanivit. Altera, ut irreverentiæ, injuriæ, & blasphemiarum ab impijs & sacrilegis hujus venerandi Sacramenti hostibus factarum, perpetuo reparentur. Sanctimoniales hujus Instituti Augustissimum illud Sacramentū perpetuo adorant. Huic diu noctuque fune ad collum alligato, cereo in manu accenso, trementes assistunt; seque tanquam victimas pro injurijs huic Divino Amoris Mysterio, præsertim ab Hæreticis illatis offerunt & immolant. Virtutes præcipuæ istius Instituti sunt, solitudo, vita abscondita, profunda Humilitas, sui abnegatio, mors ipsa actualis, ut Virgines istæ humilem Christum, despectum, derelictum, oblatum Deo Patri, morientem in Cruce sequantur, & imitentur. Totum est sanè Virginū illarum studium conformes fieri imaginis Jesu Christi; qui cum in hoc Sacramento sit pretium Redemptionis nostræ, & victima læsæ Divini Numinis Justitiæ satisfaciens; illæ etiam hæc munera æmulantur, peccatores à flagitijs redimunt, Christum iratum blasphemijs impiorum, placant; ac tandè sicut Christus mortuus est, pro peccatis

nostris, factus victima DEO suo Patri, illæ etiam pro sacrilegijs, huic adorando Eucharistiæ Sacramento illatis, se tanquàm victimas Christo offerunt, quin etiam dissolvi & mori cupiunt. Pergit sæpe allegatus scriptor; Notandū præsertim, inquit, in hac devotissima & saluberrima Institutione, nihil esse, quod impediatur, quo minus illæ Sanctimoniales Benedictinæ sui Patris Magistrā sequantur Regulam, quin imo tanta est hujus Institutionis, & Regulæ Sanctissimi Monachorum Patris & Ducis BENEDICTI conformitas & similitudo, ut quas hæc præscribit Virtutes, ista jubeat penitus observandas, &c. Incredibile penè dictū quantus se paulo post fructus in religiosissimis cæteris quin sacris hisce Virginibus, ab hujus Instituti usu prodiderit, talis omnino, qualem in sese ipsa quævis, multo autè magis in collegis mirari satis non poterant, & animadvertabant exteri quivis foemina ac viri sæculares, ita ut nemo non Sanctissimi Sacramenti efficacissimam in ipsdem operationem, manifestissimis deprehenderet signis, devotione quotidie apud eas crescente; ita ut ægre admodum à contuitu tantæ Sacramenti avellerentur, mirificè traherentur, mirabilique quodam astu amoris castissimi & vehementissimi, ad omnium Virtutum studia accenderentur, Regina Anna tantopere ad easdem affecta, quasi utero suo omnes edidisset, quas etiam filiarum nomine dignabatur. Ex R. P. Amando Tribut, &c.

Eligitur hoc anno summo totius amplissimæ Congregationis Bursfeldensis plausu & gratulatione Generalis ejusdem Præfles Reverendissimus & Illustrissimus Dominus Dn. Henricus Ducker Abbas celeberrimorum Sacri Romani Imperij Monasteriorum, S. Ludgeri Werthinensis & Helmstadiensis, Monastica disciplina promotor ferventissimus, Præsul planè incomparabilis omni virtutū genere cultissimus, sumæ apud sumos æque & infimos, pro egregia vitæ integritate auctoritatis, qui & suum Cænobium & Ordinem universum insigniter demeruit, cujus unius laudes peculiarem tractatum mererentur, & revera hoc ipso tempore, adeo totâ Germaniâ Ordo noster fronduit, floruit atque ejusmodi fructus edidit, ut vix ullum uspiam Monasteriū esset, P p è quo

SS. Regula
& Institutu-
ti conformi-
tas.

Manifesta
signa Divi-
na Gratia.

Henricus
Ducker
Abb. Wer-
thin. &
Helmstadi.

Florens in
Germania
Ordo.

Conformi-
tas cum
Crucifixo.